

**ADDENDA AO CONVENIO DE COOPERACIÓN ENTRE A CONSELLERÍA DE PRESIDENCIA XUSTIZA E DEPORTES, DA XUNTA DE GALICIA, E O CONCELLO DE CARIÑO PARA A REALIZACIÓN DAS OBRAS DE ACONDICIONAMENTO DO PAVILLÓN POLIDEPORTIVO MUNICIPAL**

Santiago de Compostela, 2026

**REUNIDOS**

Don Diego Calvo Pouso, conselleiro de Presidencia, Xustiza e Deportes da Xunta de Galicia, en virtude do Decreto 42/2024, do 14 de abril, polo que se establece a estrutura orgánica da Xunta de Galicia e o Decreto 44/2024 polo que se nomea aos titulares das consellerías da Xunta de Galicia no exercicio das facultades que lle confire o artigo 34 da Lei 1/1983, de 22 de febreiro, reguladora da Xunta e da súa presidencia.

Dona Ana María López Fernández, alcaldesa do Concello de Cariño, ao abeiro do disposto no artigo 21.1.b) da Lei 7/1985, do 2 de abril, reguladora das bases de réxime local e no artigo 61.1.a) da Lei 5/1997, do 22 de xullo, de administración local de Galicia.

As partes recoñécense con capacidade para formalizar a presente addenda ao convenio asinado o 09.07.2025, así como para exercer as súas competencias en materia de deporte baixo os principios de colaboración, cooperación, coordinación e información multilateral establecidos na Lei 3/2012, do 2 de abril, do deporte de Galicia.

Actuando todos eles coas facultades que os seus respectivos cargos e habilitacións lles confiren,

**EXPOÑEN**

I.- Conscientes da importancia da colaboración económica entre as Administracións Públicas para a realización de obras que beneficien ao conxunto dos cidadáns para a realización da práctica deportiva, e nos obxectivos de potenciar o deporte base e de contribuír a unha mellor dotación das infraestruturas que permitirán satisfacer as crecentes demandas sociais no ámbito deportivo, asinouse con data 09 de xullo de 2025 un convenio de cooperación entre a Consellería de Presidencia, Xustiza e Deportes e o Concello de Cariño para a realización das obras de acondicionamento do pavillón polideportivo municipal, segundo o proxecto presentado polo arquitecto técnico, F. Javier Rivera Lamigueiro.

O importe total das actuacións a realizar ao abeiro deste convenio ascende á cantidade de douscentos trinta e sete mil catrocentos dezaseis euros con trinta e sete céntimos (237.416,37 €), IVE incluído.

- A Consellería de Presidencia, Xustiza e Deportes financiará ditas actuacións coa cantidade de cento oitenta e nove mil novecentos trinta e tres euros con dez céntimos (189.933,10 €), IVE incluído, que supón o 80 % do orzamento total da actuación obxecto deste convenio, con cargo á aplicación orzamentaria 05.02.441A.760.0 (código de proxecto 2013 00039) do seu orzamento de gastos para os exercicios 2025 e 2026, correspondendo setenta e cinco mil trescentos corenta e catro euros con doce céntimos (75.344,12 €) á anualidade 2025 e cento catorce mil cincocentos oitenta e oito euros con noventa e oito céntimos (114.588,98 €) á anualidade 2026.



Anualidade 2025.....75.344,12 €  
Anualidade 2026.....114.588,98 €

• O concello de Cariño chegará con cargo aos seus créditos orzamentarios a cantidade de corenta e sete mil catrocentos oitenta e tres euros con vinte e sete céntimos (47.483,27), IVE incluído, que supón o 20 % do orzamento total da actuación obxecto deste convenio, que se imputarán con cargo á partida municipal 342-61900 do seu orzamento de gastos para os exercicios 2025 e 2026, correspondendo dezaoto mil oitocentos trinta e seis euros con catro céntimos (18.836,04 €) á anualidade 2025 e vinte e oito mil seiscentos corenta e sete euros con vinte e tres céntimos (28.647,23 €) á anualidade 2026.

Anualidade 2025.....18.836,04 €  
Anualidade 2026.....28.647,23 €

II.- Con data 03.03.2026 o Concello de Cariño **solicita prórroga para a xustificación da anualidade 2026**, prevista para antes do 01 de abril de 2026, polas circunstancias meteorolóxicas adversas de choiva e vento que se padeceron dende principios do mes de decembro de 2025 ata a actualidade que non permitiron realizar os traballos previstos.

III.- Co fin de estudar a proposta anterior, en data 05 de marzo de 2026 reuniuse a Comisión de Seguimento e Interpretación integrada por dous representantes da Consellería de Presidencia, Xustiza e Deportes e dous representantes do Concello de Cariño e propúxose a formalización dunha addenda.

IV.- Atendendo a estes atrasos, a Consellería de Presidencia, Xustiza e Deportes e o Concello de Cariño, acordan subscribir esta addenda consonte ás seguintes:

#### CLÁUSULAS:

##### 1.-XUSTIFICACIÓN E PAGAMENTO DAS AXUDAS

De acordo co artigo 8 do Decreto 193/2011 polo que se regulan especialidades nas subvencións ás entidades locais galegas, o Concello de Cariño estará obrigado a xustificar o cumprimento da finalidade da subvención á realización da actividade e o seu custo real mediante a presentación cunha conta xustificativa integrada con carácter xeral pola documentación que se relaciona no artigo 10 do Decreto 193/2011, e que incorporará en todo caso a certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.

En todo caso, na xustificación deberá acreditarse o importe, procedencia e aplicación dos fondos propios, así como doutras subvencións ou recursos á actuación subvencionada.

O prazo para presentar esta xustificación será antes do **antes do 31 de outubro de 2026**. Os pagamentos efectuaranse unha vez examinada e conformada a xustificación presentada polo Concello.

##### 2.- REXISTROS PÚBLICOS DE AXUDAS

As partes asinantes da addenda manifestan o seu consentimento para que os datos persoais



que constan nesta addenda, así como o resto das especificacións contidas na mesma, poidan ser publicados no Portal da Transparencia e Goberno Aberto e no Rexistro de Convenios da Xunta de Galicia.

De acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos de axudas, subvencións e convenios e de sancións administrativas da Xunta de Galicia, o concello consinte expresamente a inclusión e publicidade dos datos relevantes referidos á subvención obxecto deste convenio nos rexistros públicos citados, creados polos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

Así mesmo consinte na publicación da addenda que esixe a Lei 1/2016, do 18 de xaneiro, de transparencia e bo goberno no artigo 15 referido as obrigas específicas de información sobre convenios.

E en proba de canto antecede, as partes que interveñen asinan a presente addenda na data e hora sinaladas na sinatura electrónica.

O conselleiro de Presidencia, Xustiza e  
Deportes  
Diego Calvo Pouso

A alcaldesa do Concello de Cariño  
Ana María López Fernández

